

**BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA**

Obrađivač:
Služba za privredu, gradsku imovinu i upravljanje razvojem
- Odsjek za lokalni i ekonomski razvoj

**INFORMACIJA O REALIZACIJI PODSTICAJNIH MJERA
ZA UNAPRIJEĐENJE PRIVREDE ZA 2022. GODINU NA PODRUČJU GRADA ZENICA**

Zenica, Mart 2023.godine

I UVODNI DIO

U skladu sa Zakonom o podsticaju razvoja male privrede („Službene novine ZDK“, br. 07/16), odredaba Statuta Grada Zenica („Službene novine Grada Zenica“, broj 5/15), i Strategije Razvoja Općine Zenica 2012. – 2022. usvojene od strane Općinskog Vijeća 01.12.2011. godine, Grad Zenica kao jedinica lokalne samouprave je pokrenula aktivnosti u stvaranju i poboljšanju poslovnog okruženja na području Grada Zenica, kroz razvoj preduzetništva i obrta, javno i transparentno izvršenje Budžeta i stvaranje partnerstva između Gradske uprave i privrednog sektora.

Program mjera za utrošak podsticajnih sredstava u oblasti privrede za 2022. godinu na području Grada Zenica, sa kriterijima raspodjele, temelji se na odobrenim sredstvima za ovu namjenu u Budžetu Grada Zenica za 2022. godinu, koji je provela Služba za privredu, gradsku imovinu i upravljanje razvojem Grada Zenica.

Osnovni fokus i usmjerenje gradskih politika su unapređenje mjera kroz planiranje podsticaja za osnivanje novih firmi (Start up), kao i otvaranja novih radnih mjesta u Gradu Zenica, te stvaranju što povoljnijeg poslovnog okruženja, zbog ulaganja domaćeg i stranog kapitala na području Grada Zenica.

Prijedlog Programa mjera za utrošak podsticajnih sredstava u oblasti privrede za 2022. godinu na području Grada Zenica razmatran je i usvojen na 23. Sjednici Gradskog vijeća Zenica 26.05.2022. godine.

Informacija o Javnom pozivu za dodjelu podsticajnih sredstava u oblasti privrede za 2022. godinu na području Grada Zenice razmatrana je na 20. Sastanku privrednog savjeta Grada Zenica održanog 28.09.2021. godine.

II SVRHA JAVNIH POZIVA

S ciljem podrške razvoju privrede (poduzetništva i obrta), Gradska uprava je pokrenula realizaciju planiranih mjera i aktivnosti iz Programa mjera putem objavljena dva Javna poziva:

- 1. Javni pozivi za dodjelu podsticajnih sredstava u oblasti privrede za 2022. godinu na području Grada Zenice,**
- 2. Javni poziv za učešće na obukama i dodjeli sredstava u okviru Projekta „iSKOraK – Partnerstvo za nova radna mjesta“ - POKRENI SVOJ POSAO kroz nove poslovne ideje.**

U okviru ovog Javnih poziva realizovane su se sljedeće Mjere:

- 1.) Podsticaj za “Moj prvi biznis u Gradu Zenica – START UP”**
- 2.) Podsticaj u okviru projekta „iSKOraK-Partnerstvo za nova radna mjesta“**

Grad Zenica, kao nosilac međunarodnog certifikata BFC SEE nastoji da osigura područje sa povoljnim poslovnim okruženjem, te putem ovih javnih poziva podstiče dinamiku samozapošljavanja i zapošljavanja i jačanje konkurentnosti privrede. Za Grad Zenicu BFC certifikat ujedno znači da je sredina povoljna za investitore.

III IZVORI SREDSTAVA

U Budžetu Grada Zenica za 2022. godinu planirana su sredstva za unapređenje mjera razvoja privrede, podsticaja u oblasti razvoja poduzetništva i obrta u iznosu od 200.000,00 KM.

U skladu sa Budžetom Grada za 2022. godinu te odredaba Odluke o izvršavanju Budžeta Grada za 2022. godinu ("Službene novine Grada Zenica" broj: 02/22), određeno je da će se sredstva za unapređenje mjera kroz podsticaj razvoja poduzetništva i obrta realizovati u skladu sa usvojenim programom mjera i kriterijima iz Javnog poziva, koji predlaže nadležna služba i odobrava Gradonačelnika.

Za provođenje Mjere 1 „Podsticaj za “Moj prvi biznis u Gradu Zenica – START UP”“ ovog Programa, Služba za privredu, gradsku imovinu i upravljanje razvojem raspisala je Javni poziv sa kriterijima. Postupak po Javnom pozivu provela je Komisija koju je imenovao Gradonačelnik. Komisija je sačinjena od predstavnika Službe za privredu, gradsku imovinu i upravljanje razvojem, Zeničke razvojne agencije ZEDA d.o.o.Zenica i Udruženja poslodavaca Zenica.

Za provođenje Mjere 2 „Podsticaj u okviru projekta „iSKOraK- Partnerstvo za nova radna mjesta“, Služba za privredu, gradsku imovinu i upravljanje razvojem realizirala je poziv u skladu sa pravilima Projekta „Podrška Evropske unije lokalnim partnerstvima za zapošljavanje Faza II“ (LEP II).

Služba za privredu, gradsku imovinu i upravljanje razvojem je u saradnji sa LPZ-om (Lokalno partnerstvo za zapošljavanje) definisala Javni poziv koji je obuhvatio i edukaciju aplikanata po MOR metodologiji, uključujući i monitoring nakon dodijeljenih sredstava.

Javni poziv bio je usmjeren na podržavanje inovativnih biznisa kao i na biznise iz oblasti deficitarnih djelatnosti. Edukaciju aplikanata izvršila je Zenička razvojna agencija ZEDA d.o.o.Zenica u saradnji sa

certificiranim MOR predavačima.

Nakon što su se provele edukacije, komisija za odabir najboljih poslovnih planova odabrala je najbolje poslovne ideje koje su podržane kroz projekat. Komisija je bila sastavljena od predstavnika LPZ-a. Kriteriji po osnovu kojih su odabrane najbolje ideje određene su Javnim pozivom.

IV POSTUPAK PROVOĐENJA JAVNIH POZIVA

Postupak provođenja javnih poziva realizovale su Komisije imenovane od strane Gradonačelnika, a koje su sačinjavali predstavnici Gradske uprave, Agencije ZEDA i Udruženja poslodavaca Zenica.

Zadatak Komisija je bio da shodno planiranim sredstvima iz Budžeta Grada Zenica za 2022. godinu provedu postupak odabira kandidata po Javnom pozivu za dodjelu podsticaja iz Programa mjera za utrošak podsticajnih sredstava u oblasti privrede za 2022. godinu na području Grada Zenica i to po „Javnom pozivu za dodjelu podsticajnih sredstava u oblasti privrede za 2022. godinu na području Grada Zenice“ i „Javniom pozivu za učešće na obukama i dodjeli sredstava u okviru Projekta „iSKOraK – Partnerstvo za nova radna mjesta“.

Javni pozivi su objavljeni 05.08. i 07.10.2022. godine na službenoj web stranici Grada Zenica, te su promovisani putem javnih medija.

Aplikanti koji su aplicirali za osnivanje start up-a (obrt ili privredno društvo – d.o.o) mogli su ostvariti pravo na maksimalan iznos do 5.000,00 KM po Mjeri 1 dok su oni koji su aplicirali za Mjeru 2, mogli ostvariti sredstva u iznosu do 9.800,00 KM.

Po Javnom pozivu - Podsticaj za “Moj prvi biznis u Gradu Zenica – START UP”, od 07.10.2022. godine komisija je u periodu od 07.10. – 22.10.2022. godine primila i obradila **37** prijava, dok je odobreno ukupno **28** zahtjeva.

Po Javnom pozivu – Podsticaj u okviru projekta „iSKOrak-Partnerstvo za nova radna mjesta“ od 05.08.2022. godine komisija je u periodu od 05.08. – 31.08.2022. godine primila i obradila **18** prijava, dok je odobreno ukupno **6** zahtjeva.

1.) MJERA 1 - Podsticaj za “Moj prvi biznis u Gradu Zenica – START UP”

Od ukupno **37** pristiglih prijava za Mjeru 1, **28** prijava je zadovoljilo formalno-pravne uslove za bodovanje i rangiranje.

Nakon bodovanja utvrđeno je da je ukupno prihvatljivo **28** prijava, koji su ostvarili pravo na podsticaj. Od ukupnih **37** prijava, **2** kandidata nisu dostavila urednu dokumentaciju po Javnom pozivu, dok su **2** kandidata dostavila urednu dokumentaciju ali im djelatnost nije prihvatljiva po istom. **5** kandidata su dostavila potpunu dokumentaciju, ali su koristili podsticajna sredstva Kantona u 2022. godini te samim tim nisu zadovoljili kriterije Javnog poziva.

Za **28** prijava odobrena su podsticajna sredstva u iznosu od **138.647,89 KM**.

Sredstva planirana Programom za ovu mjeru iznosila su **141.200,00 KM**.

2.) MJERA 2 - Podsticaj u okviru projekta „iSKOrak-Partnerstvo za nova radna mjesta“

Od ukupno **18** pristiglih prijava za Mjeru 2, svih **18** je zadovoljilo formalno-pravne uslove za bodovanje i rangiranje, te su isti učestvovali u edukaciji - SYB je obuka (Start Your Business - Kako pokrenuti posao) po MOR metodologiji.

Nakon predstavljanja poslovnih ideja koje su razvijene u okviru projekta iSKOrak “POKRENI SVOJ POSAO”, **11** kandidata je predstavilo svoje poslovne poduhvate od koji je **6** odabrano za finansijsku podršku za pokretanje vlastitog biznisa, u maksimalnom iznosu od **9.800 KM**.

Za **6** kandidata su odobrena podsticajna sredstva u iznosu od **54.310,57 KM**.

Sredstva planirana Programom za ovu mjeru iznosila su **58.800,00 KM**.

Odluke o izboru kandidata koji ispunjavaju uslove Javnog poziva za dodjelu podsticajnih sredstava u oblasti privrede za 2022. godinu na području Grada Zenice za dodjelu podsticaja iz Programa mjera

za unapređenje privrede za 2022. godinu je objavljena na web stranici Grada Zenica na dane 14.11. i 02.12.2022. godine.

Preduslovi za ostvarivanje podsticaja je uredna dokumenatacija i podnošenja zahtjeva u skladu s Javnim pozivima.

V PROGRAM MJERA, JAVNI POZIVI, PODSTICAJNE MJERE I PRIORITETNE OBLASTI

Programom mjera za utrošak podsticajnih sredstava u oblasti privrede za 2022. godinu na području Grada Zenica usvojenim na 23. Sjednici Gradskog vijeća Zenica 26.05.2022. godine, s ciljem unapređenja mjera razvoja privrede u Gradu Zenica u Budžetu Grada Zenica za 2022. godinu za sve mjere planiran je ukupan iznos od **200.000,00 KM**.

Služba za privredu, gradsku imovinu i upravljanje razvojem putem Odsjeka za LER provela je Javne pozive s predloženim podsticajnim mjerama i prioritetnim oblastima, uslovima i kriterijima iz Programa mjera a kako slijedi:

I – Javni poziv za dodjelu podsticajnih sredstava u oblasti privrede za 2022. godinu na području Grada Zenica;

Putem ovog Javnog poziva osigurana su sredstva u iznosu od **200.000,00 KM**, i to za dvije mjere:

1. **MJERA 1** – Podsticaj za “Moj prvi biznis u Gradu Zenica – START UP”
2. **MJERA 2** - Podsticaj u okviru projekta „iSKOraK-Partnerstvo za nova radna mjesta“

Mjera 1, ima za cilj:

- sufinansiranje pokretanja malih biznisa, društva sa ograničenom odgovornošću, obrt-a i srodnih djelatnosti koji su pokrenuli registraciju nakon 01.01.2022. godine (maksimalan iznos podsticaja je 5.000,00 KM) dok je namjena bila:
- subvencija doprinosa za zaposlenu/samozaposlenu osobu za najviše 12 mjeseci poslovanja,
- kupovina mašina, alata i opreme za obavljanje djelatnosti (polovna i nova oprema),
- kupovina informatičke opreme za rad (osim laptopa),
- kupovina licenciranih IT programa,
- troškovi registracije poslovnog subjekta (osim osnivačkog kapitala,)
- prednost odabira korisnika poticaja imale su žene, mladi i nezaposlene osobe.

Mjera 2, ima za cilj:

- korištenjem metodologije MOR (Međunarodna organizacija rada) i udruženih sredstva granta i grada Zenica stimulisan razvoj i registracija novih biznisa, posebno deficitarnih i inovativnih djelatnosti čime će se otvoriti nova radna mjesta i kreirati budući biznisi sa potencijalom zapošljavanja (maksimalan iznos podsticaja je 9.800,00 KM).
- Namjena podsticaja bila je u skladu sa prioritetima Projekta „Podrška Evropske unije lokalnim partnerstvima za zapošljavanje Faza II“ (LEP II) finansijska podrška se dodjeljuje u vidu granta, za osobe koje uspješno završe obuke „Osmisli svoju ideju“ i „Započni svoj posao“ i čiji poslovni planovi budu najbolje ocjenjeni od strane komisije koju će partneri formirati u toku projektne realizacije.

Dodjela podsticajnih sredstava za Mjeru 1 se vršila za ovaranje obrta i pravnog lica (d.o.o) u iznosu do 5.000,00 KM, dok se za Mjeru 2 u iznosu do 9.800,00 KM.

Kod odabira korisnika podsticajnih sredstava prednost su imala lica koja se vode na evidenciji „JU Službe za zapošljavanje Ze-do kantona“ – Biro Zenica i/ili korisnici (pri istom broju bodova) koji su po osnovu ove mjere imali subjekti koji nisu koristili podsticajna sredstva Grada Zenica u posljednjih pet godina i aplikanti koji spadaju u grupu poduzetništva mladih.

Sva fizička lica su bila obavezna da izrade svoj biznis plan za apliciranje na Javnom pozivu, kao jedan od kriterija za bodovanje. Prednost su imale firme koje će obavljati proizvodne djelatnosti.

Zaključak

Grad Zenica je proveo dva Javna poziva za dodjelu podsticajnih sredstava u oblasti privrede za 2022. godinu na području Grada Zenice. U Budžetu Grada Zenica za 2022. godinu za sve podsticajne mjere planiran je ukupan iznos od **200.000,00 KM**.

Ukupna vrijednost odobrenih sredstava po Javnom pozivu za dodjelu podsticajnih sredstava u oblasti privrede za 2022. godinu na području Grada Zenice, iz Programa mjera za utrošak podsticajnih sredstava u oblasti privrede za 2022. godinu na području Grada Zenica je realizovana u iznosu od **192.958,46 KM** od ukupno planiranih **200.000,00 KM**.

Opis	M/P	Mjera	Prijavljeno	Odobreno	Planiran iznos	Odobren iznos
MJERA	1	Podsticaj za "Moj prvi biznis u Gradu Zenica – START UP"	37	28	141.200,00 KM	138.647,89 KM
MJERA	2	Podsticaj u okviru projekta „iSKOraK-Partnerstvo za nova radna mjesta“	18	6	58.800,00 KM	54.310,57 KM
		UKUPNO	92	34	200.00,00 KM	192.958,46 KM

Od planiranog iznosa **200.000,00 KM**, realizovano je **192.958,46 KM**.

- **129.656,39 KM** na ime obaveznih doprinosa,
- **63.302,07 KM** za nabavku opreme.

Od 92 prijavljena aplikanta, pravo su ostvarila **34 korisnika** što je rezultiralo otvaranjem **37 novih radnih mjesta** putem start up projekata.

Ukupna realizacija podsticaja, po osnovu objavljenih Javnih poziva u 2022. godini, na području Grada Zenica iznosila je **96 %**.